



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-8345-25/19
Sarajevo, 23.04.2019.godine

SKUPŠTINA KANTONA SARAJEVO
-Služba za skupštinske poslove-

PREDMET: *Odgovor na zastupničko pitanje – dostavlja se*

Zastupnica **Samra Ćosović-Hajdarević** je na šestoj radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda "Poslanička/zastupnička pitanja, inicijative i odgovori" a u skladu sa Poslovnikom Skupštine Kantona Sarajevo, pokrenula zastupničku inicijativu:

"Da se preispita na koji način se vrši isplata naknada koje nemaju karakter plaće (naknada za slučaj povreda na radu, teške invalidnosti, teške bolesti i sl.)?"


U vezi sa pokrenutom zastupničkom inicijativom, dostavljamo slijedeći:

ODGOVOR

Ministarstvo zdravstva Kantona Sarajeva je navedenu zastupničku inicijativu prosljedilo Stručnoj službi za zajedničke poslove Kantona Sarajevo i JU Zavod za zdravstvenu zaštitu zaposlenika MUP-a Kantona Sarajevo, obzirom da se cijeli postupak utvrđivanja osnova isplata naknada koje nemaju karakter plaće, vrši preko Stručne službe za zajedničke poslove Kantona Sarajevo a JU Zavod za zdravstvenu zaštitu zaposlenika MUP-a Kantona Sarajevo daje stručno mišljenje o osnovanosti zahtjeva te od istih dobilo odgovore koje Vam dostavljamo u prilogu (akt broj: 01-1-216/19, od 15.04.2019.godine i akt broj: 17-02-34-1-26 od 11.04.2019. godine).

S poštovanjem,

Pripremila: Ivona Islamagić, dipl.pravnik
Kontrolisao: Alen Katović, Pomoćnik Minis
Amra Isić, Sekretar Ministarstv



MINISTRICA

Prof. dr. sci. med. Amela Sofić



DOSTAVLJENO:
1.Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina
CANTON SARAJEVO
Professional Office for Common affairs

Broj: 17-01-34-1-261
Sarajevo, 11. 4. 2019. godine

MINISTARSTVO ZDRAVSTVA
KANTONA SARAJEVO
n/r ministrice

PREDMET: Odgovor na zastupničko pitanje
VEZA: Vaš akt broj: 10-05-8345-25/19 od 5. 4. 2019. godine

Stručnoj službi za zajedničke poslove Kantona Sarajevo uputili ste akt broj i datum veze, kojim ste dostavili zastupničku inicijativu **Samre Čosović-Hajdarević**, zastupnice u Skupštini Kantona Sarajevo, koja je pokrenula zastupničku inicijativu:

Da se preispita na koji način se vrši isplata naknada koje nemaju karakter plaće (naknada za slučaj povreda na radu, teške invalidnosti, teške bolesti i sl).

S tim u vezi, dostavljamo Vam sljedeći odgovor:

Članom 31. Zakona o plaćama i naknada u organima vlasti Kantona Sarajevo (*Službene novine Kantona Sarajevo*, broj 5/19) propisano je da se u slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje jednokratna novčana pomoć u visini tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Bolest, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - *JU Zavod za zdravstvenu zaštitu zaposlenika MUP-a Kantona Sarajevo*, a što je propisano članom 4. Uredbe o naknadama koje nemaju karakter plaće u Kantonu Sarajevo (*Službene novine Kantona Sarajevo*, broj: 4/12, 25/14 i 21/18).

Dakle, naknada u slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje se u skladu sa Zakonom o plaćama i naknada u organima vlasti Kantona Sarajevo (*Službene novine Kantona Sarajevo*, broj 5/19) i Uredbom o naknadama koje nemaju karakter plaće u Kantonu Sarajevo (*Službene novine Kantona*



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Sarajevo, broj: 4/12 i 25/14) i to na način da se Komisiji za kvalifikaciju težine bolesti JU *Zavod za zdravstvenu zaštitu zaposlenika MUP-a Kantona Sarajevo*, upućuje zahtjev da utvrde da li se bolest-povreda koja je navedena u medicinskoj dokumentaciji koja je priložena smatra teškom u smislu odredbe člana 4. Uredbe o naknadama koje nemaju karakter plaće (*Službene novine Kantona Sarajevo*, broj: 4/12, 25/14 i 21/18).

S poštovanjem,

Prilog:

1. Član 31. Zakona o plaćama i naknada u organima vlasti Kantona Sarajevo (*Službene novine Kantona Sarajevo*, broj 5/19)
2. Član 4. Uredbe o naknadama koje nemaju karakter plaće u Kantonu Sarajevo (*Službene novine Kantona Sarajevo*, broj: 4/12 i 25/14)

DOSTAVITI:

1. Ministarstvu zdravlja KS,
2. Arhivi.

Obradila: Lejla Ahmetpahić, dipl. pravnik
Kontrolisala: Đulesma Malagić, dipl. pravnik



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



- (2) Naknada iz stava (1) ovog člana neće se obračunavati za vrijeme odsutnosti s posla po osnovu službenog puta, bolovanja, godišnjeg odmora, plaćenog ili neplaćenog dopusta.

Član 25.

(Regres za godišnji odmor)

- (1) Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku.
- (2) Pravo na regres iz stava (1) ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

Član 26.

(Naknada za bolovanje)

- (1) Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.
- (2) Naknada plaće za bolovanje preko 42 dana iz stava (1) ovog člana ostvaruje se po propisu Federacije Bosne i Hercegovine kojim se uređuje naknada za ovo bolovanje, s tim da razliku do pune plaće isplaćuje organ državne službe Kantona u kojem se državni službenik ili namještenik nalazi u radnom odnosu.

Član 27.

(Naknada za plaćeni dopust i godišnji odmor)

Državni službenik i namještenik za vrijeme plaćenog dopusta i godišnjeg odmora, u dužini do 30 dana, ima pravo naknade u visini svoje neto plaće iz prethodnog mjeseca, u skladu s kolektivnim ugovorom i pravilnikom.

Član 28.

(Naknada za porodijski dopust)

Državni službenik i namještenik, za vrijeme porodijskog dopusta, ima pravo na naknadu plaće prema propisima Kantona kojim se uređuje ova oblast, prema mjestu uplate doprinosa, s tim da razliku do visine pune plaće uplaćuje organ državne službe u kojem se taj državni službenik ili namještenik nalazi u radnom odnosu.

Član 29.

(Naknada za službeno putovanje)

- (1) Državni službenik i namještenik imaju pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuju na izvršenje službenog zadatka.
- (2) Visinu i način ostvarivanja naknade iz stava (1) ovog člana utvrđuje uredbom Vlada Kantona u skladu sa kolektivnim ugovorom.

Član 30.

(Naknada za prijevoz na posao i s posla)

- (1) Državnom službeniku i namješteniku kome nije organizovan službeni prijevoz na posao i s posla, a čije je mjesto stanovanja udaljeno najmanje dva kilometra, pripada naknada za troškove prijevoza u visini mjesečne karte gradskog, prigradskog i međugradskog saobraćaja.
- (2) U međugradski saobraćaj spadaju mjesta koja su udaljena od mjesta rada do 70 kilometara.

Član 31.

(Naknada za slučaj povrede na radu, teške bolesti i invalidnosti)

- (1) U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje se jednokratna novčana pomoć u visini tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.
- (2) Naknada iz stava (1) ovog člana isplaćuje se samo jednom po osnovu iste povrede, iste teške bolesti ili istog invaliditeta.
- (3) Članom uže porodice u smislu stava (1) ovog člana smatraju se članovi uže porodice državnog službenika ili namještenika kako je regulisano u stavu (2) člana 32. ovog zakona.

Član 32.

(Naknada za slučaj smrti i pravo na osiguranje od posljedica nesretnog slučaja)

- (1) U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.
- (2) Članom uže porodice državnog službenika ili namještenika, u smislu stava (1) ovog člana smatraju se braćni i vanbraćni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti, ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji), braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvorno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.
- (3) Naknada iz stava (1) ovog člana isplaćuje se i u slučaju smrti člana uže porodice državnog službenika ili namještenika.
- (4) Ukoliko u organu državne službe istog nivoa vlasti rade dva ili više članova porodice, troškovi sahrane iz stava (1) ovog člana se isplaćuju samo jednom zaposlenom članu porodice.
- (5) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.
- (6) Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.
- (7) Ugovor o osiguranju sa odgovarajućom osiguravajućom kućom uključuje rukovodilac organa uprave za sve državne službenike i namještenike zaposlene u tom organu u skladu sa kolektivnim ugovorom.

Član 33.

(Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

- c) za rad noću 35%,
d) za rad u dane državnih praznika 50%.
- (2) Naknade odnosno uvećanja plaće iz stava (1) ovog člana ostvaruju se donošenjem rješenja u kome će biti precizno naznačeni vrsta poslova, period obavljanja poslova i broj izvršilaca poslova.

Član 3.

(Mjesečna karta za prijevoz na posao i sa posla)

- (1) Državnom službeniku i namješteniku kome nije organiziran prijevoz na posao i sa posla, a čije je mjesto stanovanja udaljeno od mjesta rada najmanje dva kilometra a najdalje u granicama Kantona Sarajevo, pripada mjesečna karta za prijevoz.
- (2) Pravo na mjesečnu kartu za prijevoz u međugradskom saobraćaju imaju oni državni službenici i namještenici koji dolaze na posao iz mjesta prebivališta koje se nalazi van područja u kome je mjesto sjedišta kantonalnih organa uprave.
- (3) Pravo u slučaju iz stava (2) ovog člana ostvaruje se na osnovu pismenog zahtjeva državnog službenika, odnosno namještenika u kojem se navodi adresa stvarnog stanovanja, dokaz o prebivalištu (prijavnica CIPS-a).
- (4) Uz zahtjev se prilaže pismeni dokaz firme čiji se prijevoz koristi za dolazak na posao i povratak sa posla (dnevna ili mjesečna karta).
- (5) Ukoliko zaposlenik koristi više prijevoznih sredstava od mjesta stanovanja do mjesta rada, organ u kojem je zaposlen dužan je da mu obezbijedi mjesečnu kartu odgovarajućeg prijevoznika, koja je najpovoljnija za zaposlenika.

Član 4.

(Naknada za slučaj povrede na radu, teške invalidnosti i teške bolesti)

- (1) U slučaju nastanka povrede na radu, teške invalidnosti ili teške bolesti državnog službenika i namještenika, ili člana njegove uže porodice, jednom godišnje isplaćuje mu se jednokratna novčana pomoć u skladu sa članom 32. Zakona.
- (2) Državnom službeniku, odnosno namješteniku može se, u skladu sa raspoloživim sredstvima i na osnovu saglasnosti rukovodioca organa uprave, isplatiti dio ili ukupni troškovi liječenja teške invalidnosti ili teške bolesti u zdravstvenoj ustanovi u kojoj je on platio troškove toga liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno.
- (3) Pod teškom bolešću iz st. (1) i (2) ovog člana, podrazumijevaju se slijedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU "Zavod za zdravstvenu zaštitu zaposlenika MUP-a Kantona Sarajevo".
- (4) Pravo na jednokratnu novčanu pomoć iz stava (1) ovog člana, na osnovu teške invalidnosti ostvaruje se za utvrđeni stepen invalidnosti od najmanje 60%.

Odjeljak B. Rješavanje o naknadama i drugim materijalnim pravima

Član 5.
(Rješenje)

- (1) Naknade i druga materijalna prava predviđena u odredbama čl. 2. i 4. ove uredbe ostvaruju se donošenjem rješenja.
- (2) Rješenje iz stava (1) ovog člana donosi rukovodilac kantonalnog organa uprave u kojem se državni službenik, odnosno namještenik nalazi u službi.

DIO III. PRIJELAZNE I ZAVRŠNE ODREDBE

Član 6.
(Primjena Uredbe)

- (1) Naknade i druga materijalna prava utvrđena ovom uredbom, odnose se i na izabrane dužnosnike, nosioce izvršnih funkcija, savjetnike, pravobranioca i zamjenika pravobranioca.
- (2) Odredbe člana 3. ove uredbe odnose se na sve budžetske korisnike koji se u potpunosti ili djelimično finansiraju iz budžeta Kantona.
- (3) Vlada Kantona će posebnim zaključkom utvrditi izuzetke od primjene člana 3. ove uredbe.

Član 7.
(Prestanak važenja)

Danom stupanja na snagu ove uredbe prestaje da važi Uredba o posebnom dodatku na plaću ("Službene novine Kantona Sarajevo", broj 25/09 - Prečišćeni tekst i broj 24/10) i Uredba o posebnom dodatku na plaću ("Službene novine Kantona Sarajevo", br. 35/07 i 4/08).

Član 8.
(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-2181-6/12
09. februara 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) u vezi sa čl. 37. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 33/11), Vlada Kantona Sarajevo, na 54. sjednici održanoj 09.02.2012. godine, donijela je

ODLUKU

**O PRESTANKU VAŽENJA ODLUKA VLADE
KANTONA SARAJEVO**

I

Odluka o utvrđivanju platnih razreda i koeficijenata za plaće rukovodećih i ostalih državnih službenika u kantonalnim organima državne službe ("Službene novine Kantona Sarajevo", br. 35/07, 4/09 i 15/09), Odluka o utvrđivanju platnih razreda i koeficijenata za plaće namještenika u kantonalnim organima državne službe ("Službene novine Kantona Sarajevo", br. 35/07 i 4/09) i Odluka o načinu ostvarivanja prava na naknadu za prijevoz na posao i sa posla ("Službene novine Kantona Sarajevo", br. 40/08 i 23/11) prestaju da važe.

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2181-7/12
09. februara 2012. godine
Sarajevo

Premijer
Fikret Musić, s. r.

Na osnovu čl. 22. i 24. stav 2 Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst) i člana 31. stav (2) Zakona o istaknutim samostalnim umjetnicima ("Službene novine Kantona Sarajevo", broj 19/11), Vlada Kantona Sarajevo, na 53. sjednici održanoj 02.02.2012. godine, donijela je

·ZAPOSLENIKA MUP-a KANTONA SARAJEVO


Alije Isakovića broj 3

Broj: 01-1-216/19

Datum: 15.04.2019.godine

KANTON SARAJEVO

Ministarstvo zdravstva



119

Predmet: Odgovor na poslaničko pitanje, dostavlja se.-

Poštovani,

Povodom poslaničkog pitanja, broj:10-05-8345-25/19 od 05.04.2019.godine, uvažene zastupnice Čosović-Hajdarević Samre obavještavamo Vas o slijedećem:

- Članom 4. Uredbe o naknadama koje nemaju karakter plaće (Službene novine Kantona Sarajevo br. 4/12, 25/14 i 21/18) Vlada Kantona Sarajevo je odredila da je nadležna zdravstvena komisija za kvalifikaciju težine bolesti pri ovome Zavodu.
- Navedenu komisiju čine tri člana, doktori specijalisti, i to: Predsjednik komisije Prim.mr.sci.med Sibila Sijarić Voloder specijalista neuropsihijatar, član Mr.sci.dr Anes Talović specijalista medicine rada i član Mr.sci.dr Dinija Kapić Omerbašić specijalista interne medicine.
- Komisija za utvrđivanje postojanja teške bolesti ili invalidnosti, radi isključivo u skladu sa članom 4. Uredbe, a na osnovu dostavljenih medicinskih nalaza.
- Zahtjeve zajedno sa medicinskom dokumentacijom podnose pravna i fizička lica. Medicinsku dokumentaciju vraćamo uz mišljenje-potvrdu.
- Naknada za rad Komisije je u sistemu PDV-a i za nju se fizičkim licima izdaje pos račun a pravnim poreska faktura.
- Član 27. i 28. Zakona o pravima, obavezama i odgovornostima pacijenata (Službene novine FBiH br.40/10) a u skladu sa Zakonom o zaštiti ličnih podataka, ne dozvoljava otkrivanje dijagnoze pacijenta, osim ako pacijent za to ne da pismenu saglasnost, i na

osnovu toga Komisija za utvrđivanje postojanja teške bolesti ili invalidnosti, ne može pisati o kojoj vrsti bolesti se radi, odnosno o konkretnoj dijagnozi.

S poštovanjem



DIREKTOR ZAVODA

Mr. s

